



ISTANBUL – veličanstveni grad koji se prostire na dva kontinenta. Prijestonica Rimskog, Bizantijskog i Otomanskog carstva. Istanbul je grad nevjerovatne historije i kulture, grad poput niti jednog drugog. Ima historiju staru više od 2.500 godina i od kada je uspostavljen na ovom strateškom mjestu, predstavlja ključni trgovinski centar ovog dijela svijeta. Obiluje mnogim ljepotama i u njemu svako zasigurno može pronaći nešto po svom ukusu. Pođite s nama u Istanbul jer kako nekoć izjavi Napoleon: “Da je cijeli svijet jedna zemlja, Istanbul bi bio njen glavni grad.” Istanbul godišnje primi nekoliko miliona onih koji žele vidjeti njegove znamenitosti, osjetiti njegov kosmopolitski duh i odličan provod koji je u ovom gradu zagarantovan. BURSA glavni grad Osmanskog carstva između 1335. – 1363. godine. Zovu je još i zelena Bursa, zbog mnoštva parkova i vrtova.

ISTANBUL

BURSA

(Avionom iz Sarajeva - Turkish airlines)

6 Dana/ 5 Noćenja - Polazak: 07.10. Povratak: 12.10.2023.

PROGRAM PUTOVANJA

1.DAN, 07.10.2023. SUBOTA, SARAJEVO – ISTANBUL

Sastanak na Međunarodnom aerodromu u Sarajevu cca 2 sata prije leta. Check in, pasoške i carinske formalnosti te polijetanje za Istanbul u 09:10 sati letom aviokompanije Turkish Airlines TK1022, te slijetanje u Istanbul u 12:05 sati (po lokalnom vremenu). Nakon toga slijedi transfer do hotela. Smještaj u hotel. Nakon kraćeg odmora idemo upoznati jedan dio grada koji je neizostavan prilikom svake naše posjete ovoj metropoli / fakultativno.

Šetnja do trga Taksim, zatim niz poznatu Istiklal ulicu s brojnim restoranima, trgovinama i barovima, sve do Galata kule, s koje se pruža najljepši pogled na Bosfor. Nakon toga odlazak do Galataport Istanbul, luke za kruzere sa prekrasnim i modernim ugostiteljskim objektima, buticima renomiranih proizvođača i prostranim šetalištem uz sam Bosfor. Ovaj dio odiše sasvim drugačijom energijom. Potpuno je moderan i svjetski. Noćenje.

2. DAN, 08.10.2023. NEDJELJA

Doručak. Slobodan dan ili fakultativno ISTANBUL CITY TOUR pješačko razgledanje monumentalnih građevina u starom dijelu grada: Hipodrom sa njemačkom fontanom, egipatskim obeliskom i zmijskim stubom, Sultan Ahmetova džamija - Plava džamija iz 17. vijeka čuvena i po pričama o 6 minareta, Topkapi palata u kojoj je u 16. vijeku bio smješten harem, državna administracija i vojna uprava (ulazak u Topkapi palaču uz doplatu), Aja Sofija, remek-djelo bizantijske arhitekture (razgledanje izvana, a budući da je odnedavno ponovo džamija, ulaz je besplatan). Nakon obilaska prvorazrednih građevina u oblasti Sultanahmet, odlazimo do čuvene Kapali čaršije, najveće zatvorene pijace na svijetu gdje se u ukupno 65 ulica nalazi čak 4000 radnji!

Umjesto posjete Topkapi palače može se organizirati fakultativna posjeta palati Dolmabahçe, rezidenciji sultana od 1856.godine pa sve do 1924.godine kada je ukinut taj sistem vladavine.

Da bi shvatili raskošnost ove građevine, dovoljan je podatak koji kaže da je izgradnja u to vrijeme koštala 5 miliona otomanskih lira što je ekvivalentno za današnjih 1,9 milijardi dolara. Obilazak obuhvata ulazak sa lokalnim vodičem u rezidenciju i glamurozne prostorije napravljene u rokoko, baroknom i neoklasicističkom stilu. Slobodno vrijeme za uživanje u dvorištu kompleksa kao i slikanje pred čuvenom Bosforskom kapijom. Slobodno vrijeme za vlastite aktivnosti i šoping. Po želji grupe odlazak u jedan od modernih cafe restorana sa vrhunskim pogledom na Istanbul, ali i sa vrhunskom gastronomskom ponudom. Povratak u hotel. Noćenje.

3. DAN, 09.10.2023. PONEĐJELJAK

Doručak. Nakon doručka još jedan fakultativni izlet koji će vas vratiti u prošlost iz koje ćete shvatiti zašto je Istanbul danas jedan od najposjećenijih gradova na svijetu. PANORAMA 1453, MINIATURK, BALAT, EYUP I PIERE LOTTI. Cjelodnevni fakultativni izlet sa obilaskom sljedećih lokaliteta sa lokalnim vodičem i uključenim ulaznicama. Panorama 1453, Miniaturk, Balat, Ejup i Piere lotty. Izlet započinjemo odlaskom u 3D muzej „Panorama 1453“ gdje će te se naći u 1453 godini kada je Sultan Mehmed Fatih osvojio Kostantinopol. U nastavku dana slijedi posjeta popularnom naselju BALAT – koje je poznato po svojim starim šarenim kućicama, u kojem su nekad živjeli Jevreji koji su došli iz Španije. Slobodno vrijeme za slikanje i uživanje u živopisnom ambijentu. Izlet nastavljamo posjetom Miniaturku – muzej na otvorenom, gdje možete vidjeti Tursku u minijaturi. Zatim obilazak oblasti Eyup Sultan gdje je izgrađena prva džamija u Istanbulu – Džamija Sultan Eyupa, te nakon obilaska, odlazak na brdo Piere Lotty odakle ćemo imati prelijep pogled na Istanbul. U večernjim satima u dogovoru sa grupom predlažemo fakultativni odlazak na „Tursko veče“, tradicionalni program uz večeru i piće, sa orijentalnim plesom i folklorom (zavisno od dostupnosti). Povratak u hotel. Noćenje.

4. DAN, 10.10.2023. UTORAK

Doručak. Nakon ranog doručka slijedi mogućnost fakultativnog izleta KRSTARENJE BOSFOROM između dva kontinenta (razgledanje grada sa Bosfora: Zlatni Rog – najljepši dio Istanbula. Nezaboravna vožnja Bosforom na kojoj se sa broda mogu vidjeti sve građevine, palate i druga historijska zdanja: Dolmabahce, Čiragan dvorac, dva viseća mosta nad Bosforom kao i Rumeli i Andolu hisar kule. Dnevna varijanta krstarenja bosforom - nešto sto se ne propušta. Upoznajte jedan od najljepših gradova svijeta, spoj Evrope i Azije iz jedne fantastične perspektive. Iskravanje u čuvenom naselju ORTAKOY poznatom po lokaciji direktno na Bosforu uz most koji spaja 2 kontinenta. Specijaliteti Ortakoya su KUMPIR i WAFLE čija kombinacija može biti idealna opcija za ručak, nakon čega odlazimo u moderni dio Istanbula, Trg Taksim i Istiklal ulica Nakon pauze nastavljamo vožnju metroom Marmaraj ispod Bosfora do naselja Sirkedži gdje se ukrcavamo na tramvaj i vozimo prema hotelu. Slobodno vrijeme za vlastite aktivnosti. Noćenje

5. DAN, 11.10.2023. SRIJEDA

Doručak. Odjava iz hotela do 08:00h i polazak prema Bursi. Nakon prelaska preko mosta koji spaja 2 kontinenta „15 Temmuz Şehitler Köprüsü“ dolazimo do Çamlıdza džamije, najveće džamije u Turskoj. Kapacitet džamije je 63.000 ljudi, a u sklopu džamijskog kompleksa sagrađeni su i muzej, umjetnička galerija, biblioteka, sala za konferencije i ostali popratni sadržaji. Slobodno vrijeme za obilazak džamije. Našu vožnju nastavljamo preko azijskog dijela grada duž izmitskog zaljeva do imponantnog mosta Osman Gazi preko kojega prelazimo i onda slijedi ostatak vožnje novim autoputem od cca 90 km prema Bursi. Dolazak u Bursu, antički grad koji je ujedno od 1326. godine prvi glavni grad osmanskih sultana. Ovaj bogat grad danas je glavni grad istoimene provincije smješten u plodnoj dolini, te je okružen visokim brdima. Čeka Vas pravi doživljaj Orijenta – Krivudave ulice, slikovite stare kuće, imponantne džamije i gusto nastanjene ulice bazara te svi ostali miomiris Orijenta; mostovi preko dubokih klanaca usred grada, romantična, stara groblja pokraj raskošno smještenih modernih bulevara i poznati termalni izvori – to je Bursa. Mi ćemo krenuti od posjete najpoznatijem lokalitetu u Bursi, a to je vidikovac gdje se nalazi turbe osnivača Osmanskog carstva, Osman gazi kao i njegovog sina Orhana. Šetnju nastavljamo prema Zelenoj džamiji, poznatao i kao Džamija Mehmeda I, te ujedno i druge dijelove većeg kompleksa – Zeleni Mauzolej, mjesto gdje se čuvaju ostaci petog osmanskog sultana Mehmeda I – Ulu Cami ili Velika Džamija, koju je sagradio veliki sultan Bayezid – Koza Han, nekadašnji bazar svile. Slobodno vrijeme za ručak i vlastiti razgled te polazak prema hotelu. Smještaj u hotel i slobodno vrijeme za vlastite aktivnosti. Noćenje u Bursi

6. DAN, 12.10.2023. ČETVRTAK, ISTANBUL - SARAJEVO

Doručak i odjava iz hotela. U ranim jutarnjim satima krećemo prema Istanbulskom naselju Pendik gdje se nalazi jedna od najpoznatijih ulica ove metropole, a to je Bagdad ulica. Popularno mjesto kako za domaće stanovništvo, tako i za turiste. Vaše vrijeme možete provesti odmarajući u nekom od luksuznih kafića, restorana, barova i pubova ili kupovati u buticima markirane robe koje su specifične za ovaj dio grada. Ova ulica je smještena na azijskoj strani Istanbula i dugačka je 9 km, a započinje od četvrti Bostandži i proteže se do četvrti Goztepe u distriktu Kadikoy. Nakon slobodnog vremena krećemo prema jednom od najvećih outlet centara Istanbula, a to je VIA PORT outlet koji je poznat po raznolikoj i povoljnoj robi mnogih nama poznatih brendova. Slobodno vrijeme do polaska prema aerodromu. Polazak prema aerodromu najkasnije u 16:00h. Check in let za Sarajevo u 18:50h. Slijetanje u Sarajevo u 19:40h po lokalnom vremenu.

KRAJ PUTOVANJA.

CIJENA ARANŽMANA ZA PRVIH 10 REZERVACIJA: 999,00 KM

REDOVNA CIJENA ARANŽMANA: 1099,00 KM

[Hotel Taksim Express Hotel 4* Istanbul](#)

[Grand Hotel Bursa 4* Bursa](#)

U CIJENU UKLJUČENO:

Povratnu avio kartu ekonomske klase TURKISH AIRLINES

Prtljag 23 kg + 8kg ručni

Ketering u avionima

Transfer od aerodroma do hotela u Istanbulu



Smještaj na bazi 4 noćenja sa doručkom u 4* hotelu na Taksim

GRATIS posjetu kompleksu Čamlidža džamije

Vožnju preko izmitskog zaljeva i mosta Osman Gazi

Obilazak Burse sa znamenitostima

Smještaj u Bursi u hotelu 4 na bazi 1 noćenje sa doručkom

Posjeta outlet centru VIAPORT Istanbul

Transfer od hotela u Bursi do aerodroma u Istanbulu

Pratioca putovanja ispred agencije

U CIJENU NIJE UKLJUČENO:

Međunarodno putničko-zdravstveno osiguranje 15,00 KM po osobi do 60 godina starosti a 30,00 KM po osobi za osobe starije od 60 godina,

Boravišnu pristojbu u hotelima (3 KM/dan, plaća se na licu mjesta predstavniku agencije)

Fakultativni izleti i ulaznice,

Doplata za 1/1 sobu,

Lični troškovi putnika.

Napomena : Cijena aranžmana je kalkulirana na bazi minimalno 40 putnika. Ukoliko bude manje prijavljenih putnika možemo realizovati putovanje uz prethodni dogovor sa klijentima o korekciji cijene.

Napomena : Za realizaciju fakultativnih izleta potrebno je minimalno 20 prijavljenih putnika. Organizator putovanja zadržava pravo promjene termina izvođenja izleta.

Rezervacija putovanja : Prilikom rezervacije potrebno je dostaviti kopiju pasoša te uplatiti avans u iznosu od 50% a ostatak najkasnije 10 dana do polaska na putovanje. Uplatom akontacije putnik potvrđuje da je pročitao i prihvatio program putovanja.

Upozorenje : Mole se putnici da vode računa o svojim putnim ispravama, novcu i stvarima u toku trajanja aranžmana. Svaki putnik je dužan samostalno provjeriti važnost svojih dokumenata i provjeriti zakonske regulative oko ulaska u države koje su u programu putovanja. Za ulazak u R. Tursku bosanski pasoš mora važiti minimalno 150 dana od dana polaska na putovanje. Svi putnici su dužni imati validne putne isprave. Za ovo putovanje potrebno je imati biometrijski pasoš.

Važne napomene :

Satnice letova navedene u planu i programu putovanja ili dobijene od strane agencije podložne su promjeni i isključivo zavise od aviokompanije. Fakultativni izleti se organizuju od strane lokalnog turoperatora, te Premium Travel nije u mogućnosti da utiče na stvari van dometa agencije vezane za samu realizaciju izleta. Termin i cijene fakultativnih izleta su promjenjivi i zavise od slobodnih termina po lokalitetima, broja prijavljenih putnika i objektivnih okolnosti. Program putovanja kreiran 01.07.2023. godine. Uz ovo putovanje vrijede opšti uslovi putovanja Putokaz d.o.o. Visoko.